





漢書門			
1110	0	二	三
冊	架	函	號

內閣文庫	
1110	110
函	冊

內閣文庫	
番號	漢 13010
冊數	120 (94)
函號	301 64



史君子丸

治藏府滑及疝瘦下痢腹脇脹滿不思

乳食常服安蟲補胃消疳肥肌

厚朴

去麤皮薑汁

史君子

去殼壹兩

陳皮

去白壹分

甘草

炙剉半兩

訶子

半兩半生

青黛

方如只藏府不調不用青黛

右為細末煉蜜和丸如小雞頭大每服一丸米飲

化下兒生百日已上三歲已下服半丸乳汁化下

元方無青黛

東垣厚腸丸


治小兒失乳以食飼之不能尅化或

生腹脹四肢瘦弱或利色無常

存內者

切十八

二十



陳皮

人參

麩末

右為細末，麩糊丸如麻子，大每服二十九，溫湯送下，忌飽食。

張渙金粟丹 治腹大疳瘦，好喫泥土，泄利不調。

乾蟾伍枚酥炙焦黃

川黃連夏用貳兩，冬用壹兩

母丁香

厚朴薑汁製

草龍膽各壹兩

夜明砂微炒

蟬殼洗

訶子皮微炮各半兩，已

上搗羅為細末，次用

好朱砂細研水飛

青黛研各壹兩

半夏

麥蘖

青皮

蒼朮

枳殼

厚朴各貳分

好麝香半兩研

右件一處拌勻，用煉蜜一半，白麩糊一半，和如黍米大，每服十粒，米飲下，不拘時候，量兒大小加減。本事芎朮丸 治小兒疳瘦，瀉白水腹脹。

芎朮

厚朴各壹兩

白朮半兩

右為細末，煉蜜丸如小彈子，大每服一丸，米飲化下。三歲已下，半丸。

小兒腹大泄瀉，水穀不化，喫食不知，饑飽累效。

神麩炒

麥芽炒

三稜

青皮

香附

山查

疳內疳

刀斗

七

厚朴

甘草

藿香

枳實

地黃

砂仁

黃連

棗子

各等分

右為末白湯調下量兒加減

聖惠木香丸 治小兒肉疳乳食不調心腹脹滿肌

膚羸瘦下痢無常

木香

蟬殼

微炒去足

麝香

細研

黃連

去鬚

黃丹

微炒

熊膽

研入

夜明砂

微炒

乾蟾

塗酥炙微焦各壹分

赤石脂

半兩

肉豆蔻

壹顆去殼

田父

半兩炙令微黃

右件藥搗羅為末用冰浸蒸餅丸如麻子大每服

以溫粥飲下二丸量兒大小以意加減

蘆薈丸 治小兒肉疳四肢羸瘦腹脹鼻癢皮膚乾

燥下痢不常

蘆薈

雄黃

各細研

沒石子

蟬殼

微炒去足

蛇蛻皮

灰

丁香

熊膽

研入各壹分

麝香

細研

蟾酥

研入各壹錢

黃連

半兩去鬚

右件藥搗羅為末鍊蜜和丸如黃米粒大每服以粥飲下三丸日三服別研一丸吹入鼻中量兒大

子內府

刀十

三三

小以意加減聖惠又收治疔痢
 麝香散 治小兒內疔下痢不止肌體消瘦諸治未
 差

麝香

蘆薈各細研

蛇蛻皮灰

夜明砂微炒

蝸牛殼

黃連去鬚微炒

沒石子各壹分

黃丹

定粉各壹兩微炒

訶梨勒半兩煨用皮

右件藥搗細羅為散都研令勻每服以粥飲調下
 半錢早晨午後各一服看兒大小加減服之
 胡粉丸 治小兒內疔下痢不止昏沉多睡

胡粉微炒

青黛細研各半兩

黃連末壹兩微炒

麝香壹錢

右件藥同研令細以豬膽壹枚取汁和丸如黃米
 粒大不計時候以粥飲下五丸量兒大小以意加
 減

譚氏殊聖寶命丹

治內疔

皂角

壹兩炙令焦黑色去皮為末參分

巴豆貳米箇去心膜細研

新瓦上出油了用之

雄雀兒糞貳錢

右細末以粟米飯丸菘豆大空心溫水下三丸

外疔 錢氏云疔在外則鼻下臭爛自揉鼻頭上有瘡

不着痂漸透耳生瘡今分走馬疳口齒疳鼻疳眼疳
臚列諸方如左

走馬疳走馬疳疳蝕之極也乃五藏蒸熱上攻甚即
徧沿作崩沙候牙邊肉腫爛口內氣臭身微有潮熱
喫食不得齒縫出鮮血常動搖似欲脫肉爛自漏落
治之先以淡淡鹽湯洗口內即下紫金散摻之一日
三次搯殺牙邊肉內蟲如大段甚即下秋霜散摻之
然後將朱砂膏牛黃膏天竺黃散夾調理此法先或
以天竺黃散夾地黃膏亦好此惠眼法如此調理即安如
調理不退先落齒一兩三箇即死不治相次面光發

頤漏見骨而殂一形證論先與退脾肺風熱宜喫檳
榔散五七服後用此藥貼斷上以大棗壹箇砒少許
去棗核入砒在內燒灰存性臨卧時貼斷上數次効
曾凡得此候多因氣虛受寒及有宿滯留而不去
積溫成熟虛熱之氣上蒸或食甘酸鹹膩之物而脾
雖喜甘積滯日久蘊熱上熏於口致齒焦黑爛開出
清血血聚成膿膿臭成蟲侵蝕口齒甚致頤頰穿破
乳食不便面色光浮氣喘熱作名走馬疳治之之法
先去積熱用當歸散合三稜散水薑棗煎服次投蘆
薈在玉露飲及以溫鹽水灌漱或軟雞翎蘸鹽水拂

外治

洗略拭乾仍以燒鹽散內金散蜜陀僧散傳之若經久不愈者傳於唇之上下乃成崩沙證或穴發滿腮齒落骨露飲食減少氣促痰鳴必致危矣

紫金散 茅先生名 治小兒走馬疳

黃丹

蛇床子 炒令黑

地龍 炒令黑

青礬 壹分 煨過

右末每服一字措牙斷上一日三次措

秋霜散 治小兒崩砂

好砒 半兩

白礬 肆分

右用水三分一盞先煎水令蟹眼沸來便下砒煨

水乾為度即下白礬末同煨乾為末取出入好麝香少許好垵子少許同拌各為末每使一字用鵝毛點拂牙斷上一日三四迴拂即愈

惠眼秋霜散 治崩沙齒斷欲落

粉霜

砒霜

白礬 各壹錢

右為末用北艾一大團裹定上件藥末以石灰滲艾上後用椀盛發火燒盡細研以手捻少許措齒上用鹽湯漱口燒時以蓋子蓋定恐走了藥氣

乳香丸 治走馬牙疳如神

乳香

輕粉

砒 研各伍分

牙走馬疳

刀斗

七十五

麝香 少許

右先將乳香研細入輕粉麝共再研勻用薄紙一韭葉闊去藥內按過揉紙少許丸如黃米大臨卧將藥填在患處至明則愈忌食醬醋鹽等物

錢乙龍骨散

治疳口瘡走馬疳

蟾酥 各壹字

粉霜 半錢

龍骨 壹錢

定粉 壹錢半

龍腦 半字

右先研砒粉極細次入龍骨再研次入定粉等同研每用少許傳之
右方皆犯砒非極不用

仙人水鑑治小兒走馬疳蟲透損骨者方

右用天南星壹枚當心剉作窠子安好雄黃壹塊在內用大麥麩煨候雄黃鎔作汁以蓋子合定出火毒一宿去麩研為末入好麝香少許掃在瘡上驗

集驗方治小兒走馬疳

右用蠶退紙不計多少燒成灰存性入麝香少許貼患處佳

茅先生小兒崩砂方

雞內金

蘆薈

白礬 火煨

乳香

地龍

麝香

右各少許為末候小兒睡着以藥末搽牙斷上
定命散 治小兒走馬疳

白礬

綠礬 各等分炒

右同研勻用大麥麩伍錢萋葱壹寸研爛將麩同
搜和軟硬得所為餅子將研勻者藥裹在中心用
文武火燒存性於地坑內出火毒一宿又研如粉
入鈔霜貳錢同研令細每服一剗耳許指牙上二
二遍

蟾灰散 治小兒走馬疳

乾蝦蟆 壹箇大者
燒存性

五倍子 各壹
錢

麝香 少許

右同研蜜水調塗齒根上未止更用之

聖散子 治小兒走馬疳

膽礬

龍膽草 各壹
兩

右同於瓦瓶中煨煙盡略存性貼瘡上

生金散 治小兒走馬疳

天南星 壹箇重
壹兩者

綠礬 壹兩

石先安排南星在乾地上用礬與南星同處四邊
以灰火燒煙盡為度取出後研如粉入當門子壹

粒先含漿水洗貼之

劉氏家傳李琬麝香散 治小兒走馬急疳口臭牙

齒損爛及攻蝕唇鼻頰頰未效者可用此方

麝香 壹錢 真者 黃藥 壹兩 去皮 朽木 青黛 半兩 上好者

雄黃 壹分 飛研

右件杵研極細如有患者先以綿纏筋擦却齒上
蝕損死肌以軟帛拭去惡血量瘡大小乾搽日夜
五次用之或血盛併多不定者加定粉半兩同研
用如前法

黑神散

龍膽草 剉

青膽礬

右等分用甘鍋子壹箇先入膽礬在內次入龍膽
草用鹽黃泥固濟留一眼子週迴用炭火燒至眼
子上煙斷為度放冷取出研細入麝香少許如有
患人看瘡內大小乾擦貼之立効牙疼乾擦牙根
有鮮血出并腫爛牙擦之即愈

孔氏無比散 治小兒走馬疳

麝香 壹分 別研 真蟾酥 綠礬 各半

膽礬 沒藥 各貳分

右四味一同用大甄一口鑿中心作窠穴子勿令

走馬疳

方

三

透地便安四味藥在穴中週迴用紅着炭三斤燒
過取出同麝香再研勻如有患者以雞翎微濕沾
藥末掃於小兒齒上立効

王氏手集治小兒走馬疳口鼻生瘡牙齦腫爛諸藥
不能治者

柎葉拾片乾者 麝香少許

右以蘆薈為末水調塗葉上炙乾又塗又炙凡塗
炙數遍為末瘡濕乾摻

安師傅走馬疳藥方此疳齒中不
右用蠶退紙燒灰止血時間令住若用地骨皮中

嫩處為末貼之便永止

曾氏燒鹽散 治走馬疳牙根肉潰爛黑臭

椽斗子不拘多少

右每用大者兩箇入鹽滿殼蓋作一合或五六箇
至十數箇安在火內和鹽燒透取出地上以瓦盤

蓋定存性候冷入麝香少許乳鉢內極細杵勻每
以半錢塗搽患處常收用小瓦合盛貯勿使紙裏

蓋能作潤

內金散 治牙根肉臭爛黑色有蟲作痛

雞內金即雞臍內籠皮陰乾壹兩

白芷

銅青各半 麝香壹字

右前三味剉曬或焙為末仍以麝香乳鉢內同杵
勻每用一字或半錢乾擦患處先用溫鹽水濯漱
後傳藥

蜜陀僧散 治走馬疳齒焦黑爛

蜜陀僧壹兩 輕粉伍拾 麝香壹字

右件為細末同輕粉麝香乳鉢內杵勻每用半錢
擦患處

走馬牙疳神效方

乾薑白礬棗子燒焦存性為末傳患處 尿掃

白焙乾為末入冰片少許搯牙立効

右自冰鑑方以下不犯硃為妥

治走馬牙疳用湯桶中白垢火煨過每壹錢入銅綠
叁分麝香壹分半傳之立愈

紅鉛散 治走馬疳

綠礬不以多少色鮮明者入乾鍋用炭火燒鍋赤
傾出以好酒灑拌勻再入鍋如此數遍色紅研作
細末入麝香少許先以溫漿水洗漱淨用指蘸藥
有疳處貼之

演山蘭香散 治小兒走馬疳牙齒潰爛以至崩砂

出血齒落者

輕粉壹錢

蘭香子壹錢

蜜陀僧半兩醋

右研如粉傅齒及齦上立効

議曰嬰孩受病證候多端良由氣鬱三焦疳分五
藏內有腎經常虛得疳名之曰急以馬走為喻治
療頗難此等下證初作口氣名曰臭息次第齒黑
名曰崩砂盛則齦爛名曰潰槽又盛血出名曰宣
露重則齒自脫落名曰腐根其根既腐何由理之
今將秘方具述於後

傅齒立効散

鴨嘴膽礬壹錢匙上

麝香少許

右研勻每以少許傅牙齒齦上又一方用蟾酥壹

字加麝和勻傅之

議曰血之流行者榮也氣之循環者衛也變蒸足
後飲食之間深恐有傷於榮衛而作眾疾其或氣
傷於毒血傷於熱熱毒攻之虛藏所受何藏為虛
蓋小兒腎之一藏常主虛不可令受熱毒攻及腎
藏傷乎筋骨惟齒受骨之餘氣故先作疾名曰走
馬非徐徐而作所宜服藥甘露飲地黃膏化毒丹
消毒飲其外證以前件立効散及麝酥膏傅之切

忌與食熱毒之物此疳不同常證乃係無辜有作
醫宜深究保全為上若用常方難擬愈活
獨活飲子 治腎疳臭息候

天麻

木香

獨活

防風

麝香

少許為細末研和入

右各錢重為末每服一錢七小者半錢麥門冬

熟水調下

三黃散

治腎疳崩砂候

牛黃

大黃

生地黄

木香

青黛

右等分為末每服一錢七熟水調服

人參散

治腎潰槽候

肉豆蔻

胡黃連

人參

杏仁

甘草

右件各等分為末每服一錢七小者只半錢濕熱

水調服

檳榔散

治腎疳宣露候

木香

檳榔

人參

黃連

甘草

右等分為末每服一錢小者半錢熟水調服

疳疔馬疔

疔疔

黃耆散 治腎疳腐根候

黃耆 蜜炙

牛黃

人參

天麻

全蠍 炒

杏仁 炒

白茯苓

川當歸

生地黃 洗

熟乾地黃 洗

右等分爲末每服一錢小者半錢七煎天門冬熟

水調服 麥門冬亦得

地骨皮散 治腎疳齲齲牙齒肉爛腐臭鮮血常出

生乾地黃 兩半

真地骨皮

細辛 各壹分

五倍子 炒令焦并貳錢重

右件爲細末每用少許傳之頻與功效喫不妨
議曰本經所載疳證有五謂五疳所受故得其名
今述腎疳一藏有五證候者最爲要急不可同常
此疾共陳有五種候傳迅疾可畏乃知走馬之號
不誣初發之時兒孩口臭上干胃口氣息臭鬱漸
進損筋斷肉生瘡或腫或爛其齒焦黑又進從牙
槽內發作瘡疱破潰膿爛又進熱逼筋脉時時血
出其熱注久牙斷腐壞槽寬齒脫六七歲孩落盡
不復更生豈可治療今以妙方宜速與傳變而理
不待疾作而後藥也

阿服 茅先生朱砂膏

治小兒驚積驚熱

朱砂 半兩

鵬砂

馬牙硝 各參錢

真珠末 壹錢

玄明粉 別研 貳錢並

龍腦

麝香 各壹字

右件各為末於一處拌和合用好單角起不久其藥自成膏如小兒諸般驚用藥一黃豆大常用金銀薄荷湯少許化開下如遍身潮熱用甘草煎湯下狂躁惡叫用生地龍自然汁化下一臘及一月日內小兒不通下藥可用藥使乳調塗在妳上冷牙兒喫妳既下

茅先生牛黃膏

治小兒膈熱及諸熱鎮心解毒

川鬱金 半兩用皂角參寸巴豆米粒水

一桃桃內煮乾不用皂角巴豆

馬牙硝

甘草 炙各半兩

朱砂 壹錢

鵬砂

寒水石 各壹分

龍腦

麝香 二味隨人意入

右件為末鍊蜜為膏芡實大每服一丸麥門冬熟

水化下

天竺黃散

治小兒諸熱

天竺黃

川鬱金 用皂角水煮熟

茯苓 去皮

麥門冬 各半兩

蟬蛻 去足

全蠍 去土拾肆箇

白僵蠶各拾肆箇

甘草壹兩

朱砂壹分

龍腦

麝香隨意所入

右件各淨洗研羅為末每服半錢一錢用蜜熟水調下

三解牛黃散 治小兒潮熱實熱

白僵蠶

全蠍去土炙

防風

白附子

川黃芩

桔梗

川大黃

甘草炙

白茯苓

人參

川鬱金用皂角水煎乾

右前件各等分為末各淨洗細研每服半錢一錢

用薄荷蜜熟水調下

惠眼地黄膏

天竺黃散各金朱飲子

二方並見初生門重舌條

形證論檳榔散

檳榔

大黃蒸

青皮各貳錢伍分

黑牽牛壹錢

木香少許炮

為細末薄荷蜜水調下一錢

當歸散潮熱

三稜散宿食

蘆薈丸本門通治條

玉露飲積熱

口齒疳聖惠云其候唇口癢痛牙齒峭黑舌上生瘡

腦中乾熱斷肉赤爛頰腫齒疼熱毒熏蒸口多臭氣
按此即走馬疳之輕而慢者聖惠形容似太過治
法宜清胃散甘露飲內服外用五倍子炒綠礬燒紅人
中白等分入冰片少許揩牙或加檳榔末殺蟲亦得
譚氏殊聖治小兒大人牙疳諸惡瘡方

黃丹 飛過

乳香

白礬 研

壞子 臙脂 各壹錢 輕粉

麝香 少許

右件為細末看瘡大小臨時用藥先用漿水洗瘡
淨上藥乾擦

聚寶方黃礬散 治大人小兒齒斷宜露骨槽風小

兒急疳斷肉爛惡腫痛

黃礬 壹兩研入甘
鍋燒通赤

生乾地黃

梧桐律

川升麻 各半兩

乾蝦蟆頭 貳枚

右五味為末每用半錢乾貼良久吐津甘草水漱
口一兩服立効 一方用熟乾地黃及蟾頭燒灰

劉氏家傳方治小兒口中疳瘡皆下部有蟲燒大麻

子煙熏之

莊氏家傳治小兒牙疳壞爛方

百藥煎

壞子臙脂

右各等分為細末羅過貼患處

牙口齒疳

刀斗

八

吳氏家傳青霞散

治小兒口齒疳

蝦蟆壹箇燒灰

甘草炙

青黛各壹分

右研為細末更入真麝少許或兒滿口有瘡臭爛

落下牙齒者以雞翎掃上立効凡用先以鹽湯漱

白了乾拭用

安師傳治小兒口齒并喉齶疳瘡如白膜者

用輕粉黃丹等分乳汁和塗瘡上即時如殼退下

治小兒疳蝕動唇齒及瘡生方

蟾頭壹箇大者者燒灰

麝香半錢

右研勻如粉摻於瘡上立効

治小兒唇口及齒根宜露牙斷生瘡臭爛方

葶藶炒

胡黃連各貳錢

黃丹半兩

右為末每半錢於牙斷上貼之不得嚙津莊氏第

此用

祕方治牙疳腐爛及下疳瘡

海巴白者貳箇赤者壹箇銀硃

輕粉各伍分

海螵蛸壹分

真珠貳分

龍骨貳分

共為細末用冷茶漱淨將藥敷上

鼻疳聖惠夫肺氣通於鼻鼻者肺之候若小兒乳食

不調上焦壅滯令疳蟲上蝕於鼻也其候鼻中赤癢

鼻疳

刀

八

壯熱多啼皮毛乾焦肌膚消瘦咳嗽上氣下痢無常
鼻下連唇生瘡赤爛故曰鼻疳也

治小兒鼻下赤爛心煩躁鼻中生瘡漸漸轉多及身

上焦躁日夜疼痛急治之方

訶子 貳箇 豆蔻 叁箇 黃連 陸分

防風 半兩 朱砂 壹分

右為末飯丸麻子大每服荆芥湯下三九

因服 湯氏五福化毒丹 治鼻清膈涼血

玄參 桔梗 壹兩 赤茯苓

人參 馬牙硝 青黛

甘草 各壹分 麝香 伍分 一方有龍腦 伍分

右除麝香牙硝另研一處為末次和青黛等煉蜜

丸如芡實大金銀箔為衣薄荷湯化下瘡疹餘毒

磨生犀角水下上焦熱壅口齒鮮血宜露臭氣用

生地黃汁化下食後

澤瀉散 治小兒肺積鼻内生瘡及鼻下赤爛

川鬱金 生 甘草 炙

山梔子仁 炒各 壹分

右為末每服嬰孩一字二三歲半錢五七歲一錢

甘草湯調下一日二服宜再用青金散傅之

于鼻疳

刀圭

大

自製枇杷葉散

治鼻疳赤爛

枇杷葉

去毛陰乾壹兩

山梔子

半兩

百部

檳榔

各貳錢半

右為細末每服三錢兒小者二錢更小一錢白湯

調下

傳

田氏治法先用甘草白礬湯洗淨後摻蘆薈黃連黃

葉末日三傳一方用米泔洗黃連末傳日三四

次亦佳

青金散

銅青

白礬

生各壹錢

右為末每用少許傳鼻下

錢乙蘭香散

蘭香葉

菜名燒灰貳錢

銅青

半錢

輕粉

貳字

右為細末令勻看瘡大小乾貼之

張渙石膽散

治鼻疳病疳蟲上蝕於鼻赤癢及連

唇生瘡赤爛

石膽

壹兩

地龍

壹分洗淨

頭髮

燒灰

葇若子

生用各半兩

右件搗羅為細末入麝香壹錢同研勻每服一字

貼於瘡上

疳疔

疳疔

八十七

吉氏家傳治鼻下赤爛疔方

青黛 壹錢

麝香 少許

熊膽 末半錢

右末睡時貼少許在鼻下

朱氏家傳治小兒鼻下濕癢疔瘡方

右用大棗壹枚去核以白礬壹塊內棗中文武火

煨存性細研塗瘡如瘡乾以麻油調塗

聖惠治小兒鼻疔癢吹鼻蟬殼散

蟬殼 微炒

青黛 細研

蛇蛻皮 灰

滑石

麝香 細研各等分

右件藥搗細羅為散都研令勻每用菉豆大吹入

鼻中曰三用之疔蟲盡出

錢氏白粉散 治諸瘡

烏賊魚骨末 叁七

白芨末 貳七

輕粉 壹七

右末先用清漿水洗拭過貼之

眼疔龍木論治小兒疔眼外障此眼初患時皆因腦

頭上有瘡或因經日多時瀉痢衝衝疼痛淚出難開

膈間伏熱氣肝風入眼初患此疔時癢澀揉眉咬甲

致令翳生赤腫疼痛淚出難開臉硬白睛遮瞞怕日

合面卧不喜擡頭此疾不宜燒灸頭面恐損眼也切

忘點藥宜服殺疳散退翳丸。聖惠論夫肝開竅於目目者肝之候若小兒內有疳氣肌體瘦羸而藏府挾於風熱壅滯不得宣通因其乳食過多胸膈痰結邪熱之氣上攻於目則令腦熱目癢或赤爛生瘡或生障翳漸漸遮睛久而不差損於眼目故號眼疳也。玉訣云此患先與涼膈後瀉肝次淋洗之即無誤也又云此患小兒肝熱宜瀉肝散蕤仁膏涼膈退熱又云小兒疳眼雀目斑瘡入眼者先與利膈退熱涼心經後與疳藥也。龍木論殺疳散。

防風 龍腦 小牡蠣
白芷 細辛 五味子各貳兩
右爲末每服一錢食後粥飲調下
退翳丸

黑參 防風各壹兩 細辛
石決明 車前子各半兩 桔梗
黃芩各壹兩半
右爲末鍊蜜爲丸梧桐子大空心茶下十九
玉訣瀉肝散
木賊 威靈仙 紫參

疳眼疳 九十二

家菊花

羌活

蟬蛻去足

正對大黃

甘草炙

石決明各等分

腦子少許

右為末每用藥二錢獮豬肝一兩批開去膜摻藥
在內線纏米泔煮熟嚼下

蕤仁膏

蕤仁肆拾玖粒腦子少許

右研成膏用燈心點少許

靈苑糯羊角丸 治肝肺壅熱眼生弩肉赤脉澀痛
及赤眼障翳睛疼癢痛羞明及小兒風疳爛陽眼

所神妙... 糯羊角屑曬乾脆為末甘草生白何首烏

死松以紗絹內洗去土各壹兩生乾地黃洗

鬱金炮過用地上去火氣各貳兩

右件六味並細剉曝乾搗羅為細末鍊蜜為丸如

梧桐大每服十五丸用濃煎淡竹葉黑豆湯冷下

食後臨卧服小兒丸如菘豆大每服七丸至十丸

譚氏殊聖退雲散 治小兒疳眼啞喑饒啼不住

草決明 土瓜根 大黃炮

玄參各半 甘草炙 宣連

于眼疳

刀手

卷七

矜矜石

井泉右是方
研各壹分

右細為散每服一錢水一盞同煎至七分五度與

張渙井泉石散治眼疳邪熱攻於眼目漸生翳障

致損睛瞳

井泉石 壹兩 晚蠶沙 各壹分 夜明砂 各壹分

石決明 壹兩 甘菊花 壹兩 黃連 去鬚各半兩

右件搗羅為細末每服一錢用米泔一盞入生豬

肝少許煎五分肝爛為度放溫時服乳食後

胡氏家傳豬膽黃連丸 治小兒疳瘦大治肝疳作

眼疾白膜遮睛諸藥不痊者

胡黃連 細研 雄黃 細研 夜明砂 細研各等分

豬膽 數箇 麝香 少許不入膽煮

右為末以豬膽汁調藥稀稠得所却入豬膽皮內

以線緊繫口米泔水煮五七沸取出放冷先以麝

香於乳鉢內研細却入藥一處同研不用膽皮候

細用軟飯為丸如大麻子大每服十九大者加至

十五丸米飲吞下如疳氣盛須用陳米飲下

治小兒肝藏風熱眼中不見物及有汗方

石決明 各壹分 乳香 各壹分 龍膽 貳分

大黃半兩

右為末每服兩錢用薄荷溫水調下莊氏第十六候用此方

疳瘕巢氏云疳濕之病多因久利脾胃虛弱腸胃之間蟲動侵蝕五藏使入心煩懊悶其上蝕者則口鼻齒斷生瘡其下蝕者則肛門傷爛皆難治或因久利或因藏熱嗜眠或好食甘美之食並令蟲動致生此病也 聖惠夫小兒嗜食甘味多而動腸胃間諸蟲致令侵蝕藏府此猶是蠱也凡食五味之物皆入於胃其氣隨其府藏之味而歸之脾與胃為表裏俱象土其味甘而甘味柔潤於脾胃脾胃潤則蟲動蟲動

則侵蝕成疳也但蟲因甘而動故名之為疳也若蟲蝕下部則肛門生瘡爛開急者數日便死宜速療之 夫小兒乳食不節冷熱相乖傷於藏府致疳氣也若脾胃虛弱則哺乳不消大腸虛寒遂變泄痢因其久痢不止腸胃俱虛為水濕所乘腹內蟲動侵蝕下部故名疳痢濕蠱也

千金除熱結腸丸 斷小兒熱下黃赤汁沫及魚腦

雜血肛中瘡爛生蠱生蟲

黃連

檗皮

苦參

鬼白

獨活

橘皮

芍藥

阿膠各半

右八味末之以藍汁及蜜丸如小豆日服五丸至

十九冬無藍汁可用藍子壹合春蜜和丸

薑蜜湯金治濕蘊ヲ

生薑汁伍合

白蜜叁合

黃連叁兩

右三味以水二升別煮黃連取一升去滓內薑蜜

更煎取一升二合五歲兒平旦空腹服四合日二

杏仁湯金治蘊ヲ

杏仁伍拾枚

苦酒貳升

鹽壹合

右三味和煮取五合頓服之小兒以意量服ス

治蟲蝕下部方

胡粉

雄黃

右二味各等分末着穀道中亦治小兒

張渙桃白散 治腸胃俱虛腹內蟲動侵蝕下部疳

痢濕蘊上

桃木白皮

黃蘗蜜炙

黃連去鬚炒

蛇蛻皮半兩

乾蝸牛壹分

青州棗伍拾枚去核燒灰

右件同搗羅為細末入定粉麝香各壹分同研勻

每服一字粥飲調下乳食前

如聖丹

百病

刀斗

乾蟾米枚燒灰

蟬殼半兩

蚺蛇膽

大棗去核燒灰各壹分已上搗羅為細末次用

黃丹

定粉

麝香並細研各壹分

右件同拌勻用好醋一大盞都搗一二百下成膏如黍米大每服五粒至七粒米飲下量兒大小加減或化二三兩粒塗患處若蟲出乃愈

錢乙金華散 治小兒一切濕瘡癬疔

黃藥

黃連各半兩並為細末 黃丹壹兩火飛

輕粉壹錢

麝香壹字別研

右同研勻先以溫水洗後貼之

化蠶丸 治諸疳生蟲不時啼哭嘔吐清水肚腹脹

痛唇口紫黑腸頭濕蘆

蕪荑

蘆薈

青黛乾

川芎

白芷梢

胡黃連

川黃連

蝦蟇灰各等分

右為末豬膽汁浸糕糊丸麻子大每服一二十九食後臨卧杏仁煎湯下其鼻常用熊膽煎湯筆蘸洗俟前藥各進數服却用青黛當歸赤小豆瓜蒂地榆黃連蘆薈雄黃為末入鼻瘡歛

疳瘡 聖惠夫小兒疳瘡生於面鼻上不癢不痛常有

汗出汁所流處隨卽成瘡亦生身上小兒多患之亦是風濕搏於血氣所以不癢不痛故名疔瘡也錢乙論疔在外鼻下赤爛自採鼻頭上有瘡不着痂漸透耳生瘡治鼻瘡爛蘭香散諸瘡白粉散一方並見鼻瘡條主之

張渙四珍丹 治諸疔羸瘦毛髮焦黃口鼻生瘡

乾大蟾壹枚去四足 腹內以線縫合用濕紙三兩重裹以泥四上固濟用木炭火燒令通赤為度放冷去泥搗為細末 麝香壹分

右件都拌勻再研令細以白麩糊和如黍米大每

服五粒至七粒粥飲下量兒大小加減

熊膽膏 治疔瘡不差

熊膽 蚶蛇膽 蘆薈各半

黃礬壹分瓜州者良已上 麝香壹分

牛黃各壹分 龍腦壹錢並

右件細研勻以并華水三合攪勻盛銀器中重湯煮成膏每用少許塗患處

治小兒一切疔毒有瘡方

苦楝皮伍斤 七姑葉半兩 甘草

白礬各貳兩 葱白拾莖

右麤搗令勻用水五斗煮五七沸旋旋添洗瘡處
如久患只兩服立効

譚氏殊聖治小兒疳肥瘡多生頭上浸淫久不差及
耳瘡等悉皆治之

石綠各等 白芷各等
右以生甘草水洗瘡傳藥自愈

通治一切疔方銅壁山人曰凡治疔不必細分五疔
但虛則補之熱則清之冷則溫之吐則治吐利則治
利積則治積蟲則治蟲不出集聖丸一方加減用之
屢試屢驗

集聖丸

蘆薈 五靈脂 夜明沙炒

砂仁 橘紅 木香

莪朮煨 史君子肉各貳錢 川連

川芎 乾蟾炙各參錢 當歸

青皮各壹錢半

因於虛者加人參貳錢白朮參錢去莪朮青皮
因於熱者加龍膽草參錢去砂仁莪朮因於吐
瀉下痢者加白朮貳錢肉果煨訶肉各壹錢伍分
去青皮莪朮因於積痛者加煨三稜川棟子肉

小懷香各貳錢去當歸川芎因於瘧者加鼈甲
醋炙參錢因於蟲者加白蕪莫壹錢伍分川棟
子肉貳錢去當歸川芎因於渴者加入參白木
各貳錢去莪朮砂仁右為細末用雄豬膽汁貳箇和麩糊為丸看大小
服米飲送下此方乃十全丹去檳榔白豆仁加
黃連夜明砂砂仁不熱不寒補不致滯消不致耗
至穩至妥

疳積散 治魁乳病乳夾乳夾食大病之後飲食失
調平居飲食過飽傷脾致成疳積面黃腹大小便

色如米泔大便瀉黃酸臭頭皮乾枯毛髮焦穗甚
至目澁羞明睛生雲翳形體骨立夜熱晝涼丁癸
哺露等證並用主之

厚朴 厚而紫色有油者佳去蘆皮切片

廣陳皮 去白為粉甘草 去皮淨 真蘆薈 淨末各

蕪荑 真孔林大而多白衣者 青黛 取藥料鋪

佛頭青 色者 百草霜 乃山莊人家鍋底

旋復花 淨末壹錢半

右件勻和成劑用 每壹歲用藥壹分用燈心湯
早上空腹時調服 服後病即愈當再用肥兒丸

并通治一切疳

調理如脾氣未實用啓脾丸或大健脾丸如疳
氣未盡用陳皮壹兩白木香叁錢白茯苓伍錢加
好平胃散叁錢陳米粥湯調服

疳眼方 用生雞肝壹具不拘大小雄雌二三歲者只用

半具外去衣內去筋膜研細如麵入疳積散若干

調極勻加好熟白酒厚薄相和隔湯頓溫熱空心

通口服用甜麴酒少加熟白酒亦佳服至眼開

翳散方止

疳瀉痢紅白積滯用散子加黃連薑汁肉果用濃

燈心湯稍加熟蜜少許調服食積成疳砂仁湯

調服

集驗方治小兒疳氣不可療神効丹

綠礬用火煨通赤取出用礬醋淬過復煨如此叁次

右細研用棗肉和丸如菉豆大溫水下日進二三

服

元和紀用經麝香丸 主小兒疳瘦面黃髮穗骨立

減食肌熱驚癇疳蟲

麝香研 蘆薈研 胡黃連末

右等分研勻滴水丸黃米大一歲三丸三歲五丸

至七丸人參湯下日三服無比奇効一方胡黃連

肆分餘二物各貳分療疳痢温瘧無比尤驗一名
聖丸疳藥百數無如此者小兒癩癩驚風五疳三
蟲服之立見功效虬蟲作疾枯瘁久痢不住熱藥
調護最難得法唯此若神經以四味飲黑散紫圓
至聖散五加皮治不能行蜀脂飲并此麝香圓七
方謂之育嬰七寶紫陽道士亦名保子七聖至寶
方專為一書者此是也

靈苑千金丸 治小兒一切疳久服令兒肥狀無疾

川棟子肉

川芎

各等分

右同為末豬膽汁和杵為丸如麻子大量兒大小

加減丸數每以飯飲吞下日二服常服三九至五
九張氏家傳丸如菉豆大分五分用朱砂青黛白
定粉光墨蜜陀僧名為五色丸非時進米飲下孔
氏家傳治疳熱下蟲方同用臘月乾豬膽膏為丸
如乾湯化動丸菉豆大十九十五丸肉湯下疳蟲
如髮便看即見稍遲即化

太醫局蘆薈丸

治疳氣羸瘦面色痿黃腹脇脹滿

頭髮作穗揉鼻咬甲好喫泥土痢色無定寒熱往
來日澁口臭齒齲爛黑常服長肌退黃殺疳蟲進
乳食

乾蝦蜃 大皂角 以上貳味等分同燒存性

青黛 貳錢半研 蘆薈 研 麝香 研

朱砂 壹錢飛研各

右各研勻湯浸蒸餅為丸如麻子大三歲兒服二十丸不計時候温米飲下量兒大小加減

錢氏膽礬丸 治疳消癖進食止瀉和胃遺蟲

膽礬 真者壹錢為鹿朱 綠礬 真者貳兩 大棗 拾肆個去核

好醋 壹升 已上四物同熬令棗爛如後藥

史君子 貳兩去殼 枳實 去穰炒參兩 黃連

訶梨勒 去核各壹兩並為鹿朱 巴豆 貳枚去皮破之

已上五物同炒令黑約三分乾大後藥

夜明砂 壹兩 蝦蜃灰 存五分性壹兩 苦楝根皮 末半兩

已上三物再同炒候乾同前四物杵羅為末却同

前膏和入臼中杵干下如未成更旋入熟棗肉亦

不可多恐服之難化太稠即入温水可圓即圓如

菉豆大每服二三十丸米飲温水下不拘時

西京下左藏蝦蜃丸 肥孩兒常服得効

乾蝦蜃 大者壹枚肚頭爪淨洗酥炙令黃香 陳皮 去白貳錢半

胡黃連 壹兩 鬱金 蕪荑仁 各半兩

右為末於陶器內用豬膽汁和令稀稠得作於

飯上蒸熟為度取出半日丸如菘豆大常服五七
丸陳米飲下

張氏神麩散 治小兒諸般疳

神麩

陳橘皮白

大黃紙裏炮熟

芍藥各壹錢貳分半

桔梗

川芎

厚朴薑汁製

枳殼去穰數炒

白茯苓各貳錢半

人參壹錢半

甘草伍錢炙

右為細末每服壹錢入薑壹片如茶法煎服無時

治小兒一切疳肌膚消瘦瀉痢不止口鼻生瘡水穀

不化方

蝦蟆灰存性

白礬

烏鱉魚骨炙

蜜陀僧各貳錢半

麝香壹錢貳分半

右為末煉蜜丸如菘豆大溫水下三丸聖惠方同

但麝香用半兩莊氏第廿五候用此方

治小兒一切疳方莊氏第廿四候用此方

蟾頭壹箇炙

膩粉

豆豉

蕪荑各貳錢半

右為末軟粟米飯為丸麻子大早晚米飲下三丸

又方莊氏第十七候用此方及香連丸

薑薺

胡黃連

朱砂

青黛

麝香

各錢貳半

蟾酥

少許

右為宋飯為丸如芥子大每服空心臨卧温熟水

下五七丸

淇州張道人傳治小兒十二種疳疔疳急疳風疳

肉疳脊疳口疳腦疳食疳蛔疳脾疳腎疳心疳定

生死有此候者取得蟲青者死黃者可治須服定

命丹

木香

夜明沙

各壹分

蟬蛻

叁分

胡黃連

貳錢

金箔

銀箔

各伍片

白礬

右件為末米飯丸如麻子大空心米飲下三九日

三服忌鹹酸油膩

第一肝疳小兒雖飲乳漸喜食肉尤愛酸醃只服定

命丹次服此藥

肉豆蔻

叁個

枳殼

炒米錢半

茯苓

胡黃連

各半兩

大黃

甘草

丁香

麝香

各貳錢

右為末每服壹字米飲下日兩服久者五服効

演山史君檳榔丸

治小兒食肉太早傷及脾胃水

穀不分積滯不化疾作疳痢等候並宜服之

肉苳菘 壹箇

生檳榔 壹箇

宣連

胡黃連

陳皮

青皮

川棟肉 炒

蕪荑 炒去皮

神麩

麥蘖 並炒

木香

夜明沙 淘淨炒

蘆薈

川芎 各壹錢

麝 壹字

右件為末，豬膽汁薄荷為丸，如麻子大，每服三五十九，溫飯飲下。

議曰：積是疳之母，所以有積不治，乃成疳候。又有治積不下，其積存而臟虛成疳，尤重。大抵小兒所患疳證，泄瀉無時，不作風候者，何惟疳瀉名熱瀉。

其臟腑轉動有限，所以不成風候。雖瀉不風，亦轉它證。作渴、虛熱、煩躁、下痢、腫滿、喘急，皆疳候。虛證古云：疳虛用補，虛是知疳之為疾，不可更利。動臟腑發作之初，名曰疳氣；腹大脹急，名曰疳虛；瀉痢頻併，名曰疳積；五心虛煩，名曰疳熱；毛焦髮穗，肚大青筋，好喫異物，名曰疳極。受病傳臟已極熱發往來，形體枯槁，面無神采，無血色，名曰疳勞；手足細小，項長，骨露尻醫，無肉肚脹，臍突，名曰疳食；加嘔噦頭骨分開，作渴引飲，蟲從口出，名曰疳露。此皆疳候。又因多食生冷，甘肥粘膩，積滯中脘，不化，又亦

成疳治疳之法量候輕重理其臟腑和其中脘順其三焦使胃氣溫而納食益脾元壯以消化則臟腑自然調貼令氣脈與血脈相參則筋力與骨力俱健神清氣爽疳消蟲化漸次安愈若以藥攻之五臟踈却腸胃下去積毒取出蟲子雖曰醫療即非治法蓋小兒臟腑虛則生蟲虛則積滯虛則疳羸虛則脹滿何可利下若更轉動腸胃致虛由虛成疳疳虛證候乃作無辜無辜之孩難救矣

胡黃連丸 治嬰兒一切疳候及一切虛痢他藥無功此藥極效

胡黃連

蘆薈

草黃連

肉豆蔻 炮

桂心

人參

朱砂

史君子 去殼

木香

鈞藤

龍齒

白茯苓 以上各壹錢

麝香 壹字 研

右件各生用為細末取獾猪膽貳枚裂汁和末令勻却入袋內盛之用線紮定湯煮半日取出切破袋子加荈若子 錢貳 黃丹 錢壹 二味另研如粉入前藥和勻搗五百杵丸如菜豆大但是疳與痢用粥飲下五七丸子幼者三丸不吃粥飲乳頭令吮能治

一十二種痢及無辜者功效非常

議曰疳之疾危發由於漸痢之後逆傳自於延延
為初見其輕言之曰常後知其重告之無門是以
痢疳皆由積毒嬌恣口腹因虛以致虛因害而傷
害醫士見有此等自是憂疑病家欲得便甦豈無
性急更遷取活展轉逾深或疳極而腹下痢或熱
盛而加作渴或煩躁四體虛浮或飲食一時嘔吐
常方不能安愈快劑恐越傷和並宜服此

肥肌丸 治小兒一切疳氣肌瘦體弱神困力乏常服殺蟲消疳開胃進食

黃連 去鬚

川棟肉 炒

川芎 各半

陳皮

香附子 各貳錢半

木香 錢

右件為末水煮細麵糊為丸如麻子大每服三五
十丸温飯飲下

議曰驚疳積痢各分證候用藥今有小兒患疳虛
困又作痢疾二候相加最為惡重疳痢併行臟腑
虛乏之極熱毒差重皆係積之久滯雖曰係積無
積可療乃虛受之然謂其虛補之不及所見其證
不得良方以何對治雖獲其方不審其候亦難療
也良由脉與病同藥與證對醫士運巧扶而起之

必得安樂胡黃連丸無以加矣肥肌良方亦佐勝

焉

疳熱漢東王先生論小兒發熱形瘦多渴喫食不長

肌肉者謂之疳熱湯氏云疳熱當服進食丸方見

磨積仍間服化蟲丸後服鼈甲散退熱次服肥兒丸

疳瘦

湯氏鼈甲散 治疳勞骨熱

鼈甲

致助者湯浸用童便塗炙

黃芪

蜜炙

白芍藥

各壹兩

生熟地黃

地骨皮

當歸

人參

去蘆各半兩

右咬咀每服貳錢水半盞煎服

化蟲丸 治疳熱

白燕羹

黃連

神麩

麥芽

各壹等分

右末糊丸如黍米大空心米飲下豬膽汁尤佳

豬肚丸 治骨蒸疳勞肌體黃瘦

木香

半兩

黃連

生地黃

鼈甲

丸助者湯浸用童便塗炙

銀柴胡

去蘆

青皮

各壹兩

右為末豬肚壹枚入藥於內以線纏之於沙罐內懸胎煮熟取出細研豬肚為丸如麻子大米飲送

疳熱

力子

下量大小加減不拘時服

龍膽丸三因治疳病發熱

龍膽草

黃連

史君子肉

青皮各等分

右為末豬膽汁和丸如桐子大每服二十九臨卧
熟水下量兒加減

世烏犀丸 治小兒疳熱腹内生蟲肚大手足疲弱

丁奚疔羸

此方治疳熱如神

黑牽牛

貳兩

史君子

肉米錢半

青皮

貳兩

雷丸

貳錢

若棟皮

一方不用棟皮用蓋會貳錢半

鶴虱各半兩

右同入鍋內炒焦為末麵糊丸黍米大二三歲兒二
十九米飲下食前

二丁丸 治乳癖食癖疳熱

白丁香 半兩

丁香

蜜陀僧

各壹兩

韶粉

壹錢

硫黃

叁錢

右為細末糊丸如小豆大二三歲兒十九日晡時米
飲下飲乳者乳汁下次日當取下惡物熱即隨退
加黃鶯屎壹錢尤妙

譚氏殊聖金瓜丸 治小兒疳熱身多壯熱黃瘦久

服令肥

黃連

黃蘗

甘草

微炮

青皮

各等分

右為末入麝香少許用豬膽膏救入藥膽內線
紫定入石器中漿水煮五七沸取出風串一宿丸
如菜豆大每服五七丸米飲下量兒加減玉訣方
同外以朱砂為衣仍治脾疳博濟方同劉氏家傳
方亦同云或添胡黃連若早晨服史君子丸晚服
金瓜丸永無疾消食長肌肉莊氏家傳方同仍加
夜明砂一味等分趙氏方亦同名涼疳藥長沙朱
司理以為有神効

蘆薈丸

治小兒驚熱疳不思食

蘆薈

熊膽

朱砂

各貳錢半

青黛

朱錢半

訶梨勒

煨取肉叁錢

麝香

壹錢

右為末糯米飯為丸如麻子大空心隨歲數與之
用沙糖水嚥下五七丸

茅先生柴胡散

治小兒疳熱四肢如柴不能起止

柴胡

知母

貝母

去心

茯苓

茯神

乾葛

甘草

炙各等分

右為末每服用小麥一匙頭藥一匙頭水一盞同

煎陸分去滓服

六物黃芩湯 治少小腹大短氣熱有進退食不安
穀為之不化

黃芩

大青

甘艸炙

麥門冬 去心

石膏 碎各半兩

桂皮 炙錢

右每服參錢水壹盞煎至七分去滓溫服

莊氏青黛丸 治疳熱

青黛 研壹兩

胡黃連

宣連

天竺黃 研各半兩

朱砂 水飛 貳錢半

麝香 研壹錢

肉豆蔻 貳個

牛黃 半錢研

乾蟾 壹枚端午日取者酒浸洗去腸肚塗酥炙黃

右件除研藥外為末再同研勻菉豆粉煮糊丸如芥子大每服空心夜後熱水下三丸恐菉豆粉難和圓菉豆麵作糊亦得

王氏史君子散 治疳熱

右用史君子 多不以曝乾為末空心米飲下大者壹錢小者半錢取蟲出為度

豬肚黃連丸 治疳熱流注遍身瘡蝕或潮熱肚脹或渴

用雄豬肚 淨洗壹具宣連 淨伍剉細水和潤納肚中線

疳熱

力斗

五

縫放五升粳米上蒸至爛入臼中加少蒸飯搗千

杵丸小桐子大每服二十丸米飲下仍服調血清

心之劑佐之凡兒病不出於疳則出於熱熱則生痰常須識此

柴胡飲 治骨蒸疳氣五心煩熱日晡轉盛口乾無

味渴多身瘦胃滿痰緊小便黃色食減神昏

北柴胡去蘆淨洗 人參去蘆 當歸酒洗

黃芩 赤芍藥 甘草炙各壹兩

大黃生用 桔梗去蘆剉炒 北五味子去梗

半夏湯煮透去滑各半兩

右到每服貳錢水壹盞烏梅壹亞薑貳片煎七分

無時溫服

疳勞 卽疳熱而骨蒸兼諸咳嗽盜汗等證是也湯氏

鼈甲散豬肚丸皆對證之藥

乾地黃煎顛 治小兒疳勞肺氣熱咳嗽四肢漸瘦

心脉乾

生地黄汁兩伍

蜜各壹兩

酥

鹿角膠半兩

生薑汁

右先以地黄汁入鍋內慢火煎手不住攪約五六沸下酥又五六沸下蜜次下膠又下薑汁慢火煎後如稀餈卽住火每食後兩度共與壹匙頭忌諸

疳疔熱

力斗

百七

毒物

王先生雞肉煎丸 治小兒十歲以上疳勞壯熱形瘦

宣連去鬚 貳兩

銀柴胡去蘆 洗淨

秦艸去土 淨

知母

史君子肉

子苓各壹兩

蕪荑去衣

川鶴虱各半兩

右為末以黃雌雞壹隻重壹斤許籠之專以大麻子飼之至五日後宰去毛令淨於臀後開孔去腸肚淨洗拭乾入前藥末於雞腹內以線縫之取小甌先以黑豆鋪甌底厚三寸安雞在甌中四傍以

黑豆圍裹上亦以黑豆蓋之自日出蒸至晚候濕冷取雞去腹中藥及筋骨頭翅以淨肉研勻和得所如乾入酒麴糊為丸如大麻子及小菘豆大每服十九十五二十九以意加減空心臨卧麥門冬熟水吞下如小兒疳勞骨熱十五歲以上溫酒下忌豬肉

張氏三和飲子 治三焦膈塞五藏澀滯氣逆痰涎米食後惡涎太陽昏痛及治山嵐瘴氣吐逆不美飲食面色浮黃指甲青黑小兒疳勞吐乳及大人小兒久病乍安神氣未復寒熱往來並皆救療

紫團人參

參兩半洗到

甘草

壹兩半炙到

綿黃芪

伍兩酒浸壹宿洗淨到

右件三味同入木臼內用木杵搗為麤散每服三大錢生薑三片水二盞棗三枚同煎八分去滓服不拘時候

犀角散

治小兒骨熱解毒

銀州柴胡

川大黃

甘草

川芎

茯苓

芍藥

麵葛

桑白皮

地骨皮

山梔子仁

黃芩

貝母各半兩

右為末每服壹大錢水壹盞入青蒿壹枝小麥拾粒煎七分溫溫服之太段有患更入麻黃連翹二味與前藥等分為末煎服之莊氏第候用此方 鼈血煎 治疳勞

蕪荑

柴胡

川芎

各壹兩

人參

半兩

史君子

貳拾壹枚去殼

胡黃連

宣黃連

各柒錢

右用鼈血壹盞吳茱萸壹兩和二黃連淹一宿次早炒乾去茱萸并血用二連入餘藥末粟米粉糊丸麻子大食前熱水下

黃連丸 治疳勞

黃連半兩淨積石蓮子各錢瓜蒌根

杏仁湯浸去烏梅肉各錢

右為末牛膽汁浸糕糊丸麻子大煎烏梅薑蜜湯

下

疳渴 聖惠天竺黃散 治小兒疳多渴體熱煩躁少

得睡卧

天竺黃細研黃連去須馬牙硝

梔子仁各葛根各甘草炙微

牛黃細研款冬花各紫苑洗去

犀角屑土瓜根各貳錢半

右件藥搗細羅為散都研令勻不計時候以蜜水調下半錢量兒大小加減服之

治小兒疳熱煩渴不止方

乾蟾頭貳枚塗酥蝸牛殼微炒

胡黃連 菰蘆根各半兩

右件藥搗細羅為散每服以竹葉湯調下半錢不計時候量兒大小臨時加減服之

五膽丸聖惠治小兒渴疳

豬膽 狗膽 牛膽

鯽魚膽

蝟膽已上各壹枚

右件藥四膽汁並入牛膽內在竈北後懸候稍乾可丸即丸如黍米大每服以新汲水下貳丸以飲水足為度空心午後各壹服更量兒大小加減

胡黃連散 治小兒疳熱渴乾瘦

胡黃連

犀角屑各貳錢半

生地黄汁合

羊子肝

壹具研取汁麝香半錢細研

蜜半合

右件藥搗胡黃連犀角細羅為散入麝香研勻以羊肝汁地黄汁蜜等調令勻每服煎竹葉湯調下藥汁壹茶匙量兒大小加減服之

黃連丸

治小兒疳熱煩渴

黃連去鬚

天竺黃

牛黃各細研

甘草炙微赤剉

梔子仁

款冬花

葛根剉

紫苑洗去苗

犀角屑各貳錢半

川朴硝半兩

竹瀝貳合

右件藥搗羅為末先用竹瀝拌和更入熟蜜和丸如棗豆大每服以新汲水研破伍丸服之日四五服量兒大小加減

聖惠又方

右用蝟牛叁伍拾枚淨盤內以物蓋令行即有似

銀泥處以膩粉和搗取便丸之如黍米大不計時
候以溫湯下貳丸

又方

杏仁

湯浸去皮尖
雙杏仁貳錢半

膩粉

壹錢

右件藥研杏仁如膏入膩粉相和令勻用麵糊和
丸菘豆大空心以粥飲下參丸

錢乙龍粉丸

治疳渴

草龍膽

定粉

微炒

烏梅肉

焙秤

黃連

各貳分

右為細末煉蜜丸麻子大米飲下壹貳拾丸無時

青香丸

張氏

治小兒疳渴引飲不休肌體羸劣

胡黃連

青黛

朱砂

吉入鶴虱

各等分

右為末豬膽汁和丸菘豆大每服參丸米飲下

劉氏治小兒疳渴方

豬胞

壹箇大者

甘草

壹兩寸斷劈
破入胞內

右以水壹斗煮至參升去甘草將胞焙乾末之每
服貳錢或參錢熟水調下大人亦可服

莊氏治小兒渴疳方

右用蛤粉取生太鮎魚壹尾以粉塗頂上刮下涎

入粉同研丸鷄頭大每服壹丸更用活小鮎魚壹尾水半盞浸涎水壹藥注子化下壹丸立止便與和氣散方見壹貳服補之

又方治疳渴不止

井泉石又名石甘遂太陰玄精石 馬牙硝

右各等分為末入生硫黃少許每服半錢以生米泔水調下

吉氏家傳方

乾葛

胡黃連

甘艸炙

黑參

麥門冬

去心各等分

右件為末每服壹錢水半盞薑壹片煎肆分服

治水兒疳渴常服五疳不生方

乾蝦蟆貳枚長流水內刮去肚腸以法酒

黃連淨肆兩 硃砂壹錢半 麝香壹錢

右先將蝦蟆膏與黃連末同研後更與麝香硃砂等研勻作丸如菉豆大每服拾丸陳米飲下如患疳用黃蠟茶清下如難丸入些少酒麵糊不妨

治小兒一切疳熱渴方

蚘蝦蟆大者兩枚 蝸牛蟲半升用井水淘洗淨為

具入貳物在內用鹽泥固濟了不得透風更進火燒令通赤候冷取出貳物不用罐子

大黃

黃連

各半

麝香

貳錢半

右為末，麩糊丸，如芥子，大每服參丸至伍丸，米飲

下莊氏第十六
候用此方

治小兒疳渴方

人參

乾葛

黃芩

柴胡

甘草

炮各貳錢半

右為末，每服壹錢，水壹盞，煎五分，去滓，候冷，分為

伍服，每喫藥時，更點鉛白霜寒水石，共研壹字服

之方，治疳，莊氏第二十候
先服此止渴

疳嗽，惠眼防已丸

治疳嗽不止

漢防已

牽牛子

馬兜鈴

炒

甜葶藶

別研各等分

右為末，煮棗肉為丸，如菘豆，大每服拾丸，煎糯米飲，下與溫肺散相間服

溫肺散

菘藶根

半兩

甘艸

炙貳錢半

右為末，每服壹錢，蜂蜜熟水調下

小兒肺疳多，是吃着熱米食及病，妳傷損心肺，便生

喘嗽，愚醫不辨冷熱，以藥攻之，變成黃腫，漸覺昏

沉，宜服杏仁散

百九

杏仁 拾肆粒 甘州 款冬花 各貳錢

麝香 胡黃連 各壹錢 半夏 陽泡玖次半兩

右件為末每服壹字棗湯調下日進貳服

疳積 茅其候面帶青黃色身瘦肚膨脹頭髮立身熱

肚中微痛此因疳盛而傳為此候治之先用勻氣散

醒脾散二方並見調理二日後下青金丹癍取下疳

積再下勻氣醒脾散補常服保童丸疳切即瘉 玉

訣云疳氣腹脹潮熱先與調胃氣後與取虛積藥次

服疳藥

錢乙牛黃丸 治小兒疳積

雄黃 研水 天竺黃 各貳錢 牽牛 末壹錢

右同再研麵糊為丸粟米太每服叁丸至伍丸食

後薄荷湯下兼治疳消積常服尤佳大者加丸數

張渙褐丸子 治小兒疳氣腹脹如鼓及妳癖食癖

蘿蔔子 壹兩半炒 黑牽牛 壹兩 胡椒 貳錢半

木香 莪茂 濕帛裏煨切作片子各半兩

右為細末麵糊為丸黍米大每服貳拾丸煎仙人

骨湯下

換骨丹

陳粟米 壹合 陳橘皮 剉 青皮 剉

百九

黑牽牛 各半

巴豆 去殼貳錢半

右料一處同炒令焦黃色揀去巴豆不用却入木香半兩為細末麵糊為丸黍米大每服拾丸橘皮湯下

莊氏參苓散 治小兒因積成疳致脾胃虛弱不思飲食

人參

茯苓

川芎 各壹兩

甘草

芍藥

黃芪 各半兩

青皮 去白貳錢半

右為細末每服壹錢水壹小盞煎至伍分去滓温

服

香甲丸 治小兒積疳潮熱盜汗羸瘦煩渴手足心

熱服之皆効輕骨長肌 蔡夢祥家壽翁苦黃瘦

不食多汗喜叫哭服之効

木香 貳錢半

鼈甲 去羶爛醋炙

檳榔

史君子肉

柴胡 去蘆

黃連 去鬚各半兩

右為末獾豬膽汁和丸菴豆大每服貳拾丸日中

臨卧米飲下久發潮熱多汗無力者服之即効

趙氏青蒿丸 療小兒久積疳氣日漸羸瘦面黃頭

髮作穗好食土咬指甲捻鼻兼治骨蒸勞熱及取

疳蟲退諸藏積熱小兒常服遍身香為効

白檳榔

壹枚

白蕪荑

肆拾玖個

黃連

肆拾壹須拾

夜明沙

淘淨貳錢半已上為末

太陰玄精石

麝香

壹分 小葱子

朱砂

各半錢

蘆薈

壹分 天竺黃

青黛

各壹錢

右將後七味同研細與前四味一處再研勻令極細取青蒿自然汁慢火熬濃仍用豬膽壹枚取汁同搜藥丸如粟米大每服伍丸至柒丸並用米飲下醞醋湯亦得取疳蟲煎醋石榴湯下二十服取盡蟲

吉氏治五疳傷積方

蕪荑

黃連

各壹兩

神麩

半兩

史君子

連殼拾肆箇

鶴虱

少許

末之豬膽調麵糊為丸葉旦大每服拾丸米飲下

青金膏 治疳積

青黛

朱砂

蘆薈

蟾酥

各壹錢

麝香

半錢

蜣螂

壹枚

蛇皮

項後肆寸

右為末水化酥丸如粟米大每服兩丸倒流水送下又水化壹丸注於鼻中須臾眉上白蟲出便安

青難治

豆蔻散 治疳積或冷利腹大脚小身熱面無顏色

肉豆蔻 貳箇 胡黃連 壹錢 史君子 肆枚

青黛 棟根 蕪荑

厚朴 薑汁 甘草 半兩 麝香 少許

夜明沙 壹錢半 別研

右末每服壹錢或半錢蜜水或粥飲調下

知母散 治諸般疳積肚脹無時瀉痢或時壯熱狀

如瘧疾大效

知母 青皮 去白焙 柴胡 各錢

甘草 炙 紫參 各錢 訶子 煨熟用

右為細末每服壹錢水伍分煎至叁分溫服有熱

則退有痢則除有結則通

正傳經驗檳榔丸 治小兒疳病積氣成塊腹大有

蟲等證其效如神

檳榔 壹兩 三稜 燎去毛 蓬莪茂 醋炒

青皮 去穰 炒黃 陳皮 去白 雷丸

乾漆 炒煙 麥蘖麩 炒 神麩 炒黃色

山查肉 各半 鶴虱 畧炒 木香 不見火

甘草 炙 胡黃連 各錢 蕪荑 水洗淨

丹
心
良薑
砂仁
壹錢

良薑陳壁土 炒貳錢 砂仁 壹錢

右為細末醋糊為丸如菉豆大每服叁伍拾丸空心淡薑湯下

疳瀉 茅先用青金丹疳取下疳積後用勻氣散不乳

香連散乳香散瀉調理瀉止服常服保童丸疳一切

石壁經云疳瀉因不慎飲食或食交乳致然腹中有

片子或如雞子又如三二指大所以作瀉糞出如糟

毛髮硬面無光或青黃色目多及視當分水穀乃須

溫和藥和氣即瘡若藥熱則作腫而死 婁瀉而多

食為蟲疳宜殺蟲藥 瀉而少食為冷疳宜溫藥

取積

仙人水鑑粉霜丸

治小兒疳一切瀉方

粉霜

白丁香各壹錢

巴豆貳枚不出油

右為末爛飯為丸如小菉豆大每服井華水下貳

丸

熱瀉

錢乙二聖丸

治小兒臟腑或好或瀉久不愈羸瘦

成疳宜常服此方

川黃連去鬚

黃檗去麁皮 各壹兩

右為細末將藥末入豬膽內湯煮熟丸如菉豆大

每服貳叁拾丸米飲下量兒大小加減頻服無時

劉氏胡黃連飲子

治小兒疳熱作瀉無時飲食進

疳瀉

力十

百

退面黃體黑日漸瘦悴

胡黃連

黃藥子

人參

甘草

白木

秦艽

柴胡

各等分

右各味用淨，哎咀，每服貳錢匕，水壹盞，嫩桃柳枝各柒寸，烏梅少許同煎，捌分去滓，澄清，分作兩分，早食後少空，一服臨卧再服，以小便深赤為驗，候小便清，住藥，便生肌膚，能進食飲，大抵小兒羸瘦，並宜服此，十五歲以下皆可服。

莊氏黃連丸

治疳瀉疳痢

黃連

削淨洗乾

大蕪美仁

乳鉢研細

右二末一處和勻，糯粟米相和煮稀粥為丸，小菘

豆大量兒大小三歲柒丸至拾丸，三歲以上拾伍

丸至貳拾丸，空心陳米飲下，日進三服。

錢乙如聖丸

治冷熱疳瀉

胡黃連

白蕪荑

去扇炒

川黃連

各貳

史君子

壹兩去殼秤

麝香

別研半錢

乾蝦蟇

伍枚剉酒熬膏

右前藥為末，用膏丸，麻子大，每服人參湯下，二參歲者伍柒丸，以上者拾丸，至拾伍丸，無時

博濟方胡黃連丸

治小兒疳疾瀉痢

疳疔瀉

力斗

百五

瀉

胡黃連

丁香

蜜陀僧各半

肉豆蔻壹

檳榔壹枚

紅雪壹兩

訶子貳枚以壹枚煨壹枚生用

右件七味同研細入麝香貳錢半和勻次入菉豆末少許同冰和為丸如麻子大兒三歲以下壹丸三歲以上伍丸孩子腦疳鼻痒及赤爛黃連湯下脾虛羸瘦泄痢四肢虛腫青州棗湯下肝疳眼澁生瘡甘艸湯下骨疳冷地卧愛食土紫蘇茶湯下常服米飲下肺疳上氣急喘橘皮湯下筋疳瀉血鹽湯下疳蟲及瀉無定生薑湯下

香薷丸

治疳瀉

黃連炒叁錢

肉豆蔻

木香

訶子肉煨

砂仁

茯苓各壹錢

右為末飯為丸麻子大米飲下

錢氏木香丸

治時時下利唇口青白

木香

青黛另研

檳榔

肉豆蔻去皮各

麝香另研壹錢半

續隨子壹兩半炒

蝦蟆叁箇先用繩繫晒乾燒存性

右為末蜜丸如菉豆大每服叁伍丸至壹貳拾丸薄荷湯下食前

冷瀉

疳瀉

力斗

香薷

没石子丸氏錢治泄瀉白濁及疳痢滑兒腹痛者

木香錢各貳 黃連錢半 没石子壹筒

荳蔻仁貳個 訶子肉叁個

右為細末飯和丸麻子大米飲下食前量兒加減

聚寶方黃龍丸 定小兒疳冷瀉

朱砂錢研 龍腦半字研 硫黃壹兩

雄黃貳錢半

右用甘鍋子一隻盛雄黃在內用盞一隻盛水半盞坐在鍋子上炭火燒甘鍋其藥飛在盞底上刮下與朱砂硫黃同研入腦子糯米粥丸如黃米大

每服參丸食前椒湯下

吉氏蘆薈丸 治疳瀉不止不思飲食腹脹

丁香 肉豆蔻去皮 木香剉各半兩

右三味用麵裹慢火中煨熟為度取出去麵入蘆薈壹兩史君子肉兩半同為細末稀糊為丸如黍米大每服拾丸至貳拾丸米飲下

湯氏治休息痢及疳瀉痢遷延日月百藥俱試飲食不効便利不止用雞子壹枚打破鎔黃蠟壹塊如指大以雞子和炒空心喫盡百醫百効無不獲安
本事方治小兒疳痢垂死者取益母草炙食之取足

瘥止甚佳

殺虫

錢氏大蘆薈丸

本門通治

胡連麝香丸

榆仁丸

並見本門山出蟲

良方吳婆散

治小兒疳瀉不止日夜不計遍數漸

漸羸瘦

桃根白皮

黃檗

蜜炙

蕪荑

去皮

黃連

微炒已上各貳錢半

厚朴

薑汁炙

木香

檳榔

丁香

各壹錢

沒石子

壹錢半

棟根白根

壹錢貳分半

右為末每服壹字二歲以上半錢五六歲壹錢用

紫蘇木瓜米飲調下乳食前一日三服予家小兒

曾有患瀉百餘日瘦餘皮骨萬方不差有監兵鍾

離君見之曰何不服吳婆散立可差也乃求方合

與兩三服便效又孫男亦疳瀉勢甚危困兩服遂

定若病深者服一兩日間決差此藥若是疳瀉無

不驗者藥性小温暴熱瀉者或不相當

丹溪治一富家子年十四歲面黃善啖易飢非肉不

飽泄瀉一月來求治脉之兩手皆大怪不甚瘦倦以

為濕熱當脾困而食少今反形健而多食且不渴予

意其疾必疳蟲作痢也取大便視之果蚘虫所為適

疳疔編

力斗八

百三

收澀

往他處有一小兒醫在側教其用治蟲藥治之禁其勿用去積藥約回途當為一看診而止痢也偶勿果至次年春夏之交其瀉復作腹不痛而口乾予曰此去年治蟲而不治疳故也遂以去疳熱之藥濃煎白朮湯下三日而瀉止半月後偶過其家見其子甚瘦予教以白朮為君芍藥為臣川芎陳皮黃連胡黃連入少蘆薈為丸白朮湯服之半月而止禁其勿食肉物三年當自愈

斗門經治小兒疳瀉方

右用赤石脂杵羅為末極細如麵以粥飲調半錢

服立差或以京芎等分同服更妙

莊氏家傳治疳瀉久不瘥方

赤石脂

綠礬

石灰各貳兩

硫黃半兩

右研勻入罐子內燒令焰碧去灰放冷取研每服壹字或半錢煎小黃米飲放冷調下食前服

又方

史君子炮

五倍子瓦上炒黃

沒石子各等分

右為末每服半錢陳米飲調下

疳痢宮氣方解小兒疳熱疳痢殺蟲用青黛不以多

疳痢

力斗

疳疔

少冰研服

外臺治疳痢曉夜無度者取樗根濃汁及粟米泔各

一雞子殼許以竹筒吹入下部再度瘥

治疳痢大孔開利不止以黃連末入麝香少許和勻

以竹筒吹入

圖經治疳痢以地榆單煮汁如飴糖與服便已

孟詵療小兒疳痢方

右用樗木根取白皮壹握倉粳米伍拾粒葱白壹握甘草貳寸炙鼓貳合以水壹升煮取半升頓服之小兒以意服之枝葉與皮切用皆同

聖惠治小兒疳痢不止下部痒青黛散

青黛

蟾灰

胡粉

黃連

麝香

赤石脂

訶梨勒皮

右件藥擣羅為散每服以乳汁調下半錢日三四

服量兒大小加減

殺疳丸 治疳痢不止

雄黃

麝香

牛黃

蘆薈

朱砂

龍骨

蜜陀僧

胡黃連

青黛

詳疳痢

燒紅細研

各細研

各貳錢半

半兩細研

金箔拾片細研

肉豆蔻貳枚去殼

蟾酥壹錢貳分半熱水化如泥

右件藥搗羅為末入研藥及蟾酥研令勻湯浸蒸餅和丸如黃米大每以溫水下參丸煎黃連苦參湯洗身上用青衣蓋出蟲便瘡

白龍骨丸治疳痢不止

白龍骨

白石脂

雞屎礬燒令盡

黃連去鬚微炒

胡粉微炒

白茯苓

阿膠搗碎炒令黃燥容半兩

右搗羅為末煉蜜和圓如麻子大每服以粥飲下伍九日三四服量兒大小加減

肉豆蔻丸

治小兒疳痢不喫乳食四肢瘦弱

肉豆蔻去殼壹枚

木香半兩

人參去蘆頭

訶子肉煨

朱砂

麝香並組研各貳錢半

右搗羅為末都研令勻用軟飯和丸如麻子大每服以米飲化下參丸日三四服量兒加減

聖惠黃連散 治小兒疳痢久不瘥肌肉消瘦面黃髮焦啼叫不常

胡黃連末

白礬燒令盡

白龍骨末各半兩

胡粉微炒貳錢半

左件藥同組研為散一歲兒每服以米飲調下壹

字二歲每服半錢隨兒大小量病輕重加減

蕪荑丸 治小兒久疳痢不瘥

蕪荑未半兩 羊子肝壹具

右先以子肝切作片子以蕪荑末摻在肝內線纏合米泔中煮令熟搗爛糯米飯和丸如麻子大每以粥飲下伍丸早晨晚後各一服量兒加減
莊氏第一候瀉膿血日漸瘦是冷熱疳宜服八香丸

方

胡黃連壹錢 腦各半 麝各半 牛黃壹錢貳分半

蘆薈壹錢半 蟾酥伍捻子作塊者亦得 白花蛇半兩酒浸去骨

蝎稍貳錢半

右為細末豬膽丸如黃米大每服伍丸米飲下

如患甚仍用生米泔調作散半錢服日三服

治小兒腸鳴瀉痢口鼻乾常有鮮血日夜痰方

白朮炮 硫黃各貳錢半 枳殼炒

胡黃連 當歸各半兩

右為末每服半錢熟水調下

張道人第二急疳小兒疳痢下赤色膿血下部脫肛雖有精神命在須臾但服此沉香丸方

沉香

人參

蝎

胡黃連

甘草 各分

乳香 各壹分

龍骨

右件棗肉為丸如麻子大每服叁丸米飲下日二服久患七服効

木香丸 治疳痢

黃連

淨叁錢

木香

紫厚朴

薑製

夜明沙

隔紙炒

訶子肉

炒壹錢

右為末飯丸麻子大乾艾生薑煎湯食前下

疳痢腹痛白朮散 治小兒疳痢腹脹痞痛日夜三

二十行

白朮

壹兩 微炒

當歸

地榆

並剉 微炒

木香

赤芍藥

甘草

炙半兩

右件藥搗麤羅為散每服壹錢以水壹小盞至伍分去滓不計時候量兒大小分減

胡黃連丸 治小兒疳痢腹痛不止

胡黃連

半兩

沒藥

木香

各壹錢半

右件藥搗羅為末糯米飯和丸如棗豆大每服粥飲下伍丸日三內服量兒大小加減

疳腫脹 治小兒五疳八痢及髮焦黃肚脹手足瘦細

疳上筋脉起指眼鼻涕垂至口咬指甲或下部生

疳疔腫脹

力斗

百五

瘡及大小便不通宜此瘡之

蘆薈

夜明沙炒

蛇蛻灰

黃牛角屑各壹分 蟾酥少許

右為末更入麝香少許煉蜜丸如棗豆大每服叁丸用米飲下服藥間仍用桃柳葉湯浴兒了將青皂衣蓋之更用藥壹丸至貳丸安兒臍中便着醋麵糊與青皂帛貼之候蟲出為度如無蟲但汗出為妙服藥三日後宜減壹丸治小兒疳氣腹腫有似水氣方

肉豆蔻壹箇

木香炮

麝香

朱砂各壹分

胡黃連半兩

右為末飯丸麻子大米飲下叁伍丸莊氏第拾八候用此方

吉氏家傳治疳肚如鼓方

蜜陀僧

風化灰各壹錢

黃丹半錢

右為末以豬肉炙壹片用藥半錢離土與喫如不會喫乳母嚼與

御苑勻氣散 治脾肺氣逆喘咳面浮胸膈痞悶小便不利

桑白皮貳兩

淨陳皮壹兩半

桔梗炒

甘草炙

赤茯苓各壹兩

藿香半兩

木通 肆兩

薑水煎服

疳後天柱倒詳腎部天柱倒條

疳氣入陰漢東王先生家寶治小兒疳氣灌入陰黃

亮色烏金膏

通草

黃皮

大黃 各貳錢
半燒

右各燒存性為末每用壹錢豬膽調成膏於陰
上塗如未退煎蛇床子湯洗後再調塗之

